



O‘ZBEKISTON RESPUBLIKASI MAKTABGACHA VA MAKTAB TA’LIMI VAZIRINING BUYRUG‘I

Alohida ta’lim ehtiyojlari bo‘lgan bolalarga ta’lim xizmatlarini yaxshilash to‘g‘risida

Alohida ta’lim ehtiyojlari bo‘lgan bolalarga ta’lim-tarbiya berish tizimini yanada takomillashtirish, ularning ta’lim olish huquqini kafolatlash va ta’minlash hamda ularga ko‘rsatiladigan ta’lim xizmatlari sifatini yaxshilash maqsadida **buyuraman:**

1. “Zamin” Xalqaro jamoat fondi, O‘zbekiston Respublikasi Maktabgacha va maktab ta’limi vazirligi hamda Sog‘liqni saqlash vazirligining 2023-yil 2-martdagi “Men eshitishni xohlayman!” qo‘shma loyihasi doirasida 2023-yilda belgilangan vazifalar ijrosi bo‘yicha tasdiqlangan “Yo‘l xaritasi” ma’lumot va ijro uchun qabul qilinsin.

2. “Men eshitishni xohlayman!” qo‘shma loyihasi doirasida 2023-yilda belgilangan vazifalar ijrosi bo‘yicha “Yo‘l xaritasi”ni (keyingi o‘rinlarda – “Yo‘l xaritasi”) amalga oshirish bo‘yicha ishchi guruhi (keyingi o‘rinlarda – Ishchi guruhi) tarkibi **ilovaga** muvofiq tasdiqlansin.

3. Ishchi guruhi (D.Kenjaye, T.Komilov):

“Yo‘l xaritasi”da belgilangan vazifalarni o‘z vaqtida va sifatli bajarilishini ta’minlasin;

“Yo‘l xaritasi”da belgilangan vazifalarning bajarilishi ustidan nazorat olib borsin;

“Men eshitishni xohlayman!” qo‘shma loyihasi doirasida eshitishda nuqsoni bo‘lgan bolalar korreksion pedagogikasi yo‘nalishi bo‘yicha jalb etiladigan xalqaro tashkilotlar yoki maslahatchilar (keyingi o‘rinlarda – xorijiy hamkorlar) faoliyatini muvofiqlashtirib borsin;

loyihani amalga oshirish jarayonida vujudga keladigan masala va muammolarni o‘z vaqtida bartaraf etish choralarini ko‘rsin;

xorijiy hamkorlar tomonidan ko‘rsatiladigan ish va xizmatlarni tashkil etish yuzasidan o‘rganish yo‘nalishlari hamda qo‘yiladigan vazifalarni belgilasin;

xalqaro standartlarga muvofiq innovatsion yondashuvlar asosida bolalarni o‘qitish va tarbiyalash uslublarini takomillashtirish bo‘yicha takliflar ishlab chiqsin.

4. O‘quvchilarni kasb-hunarga yo‘naltirish va psixologik-pedagogik respublika tashxis markazi (L.Gaynutdinova) Ishchi guruhi bilan birgalikda **bir hafta muddatda** xorijiy hamkorlar tomonidan ko‘rsatiladigan ish va xizmatlarni tashkil etishga qo‘yiladigan talablarni ishlab chiqsin hamda Ishchi guruhiga taqdim etsin.

5. Ishchi guruhi (T.Komilov) **bir oy muddatda** xorijiy hamkorlarni tanlash bo'yicha komissiya tarkibini tasdiqlasin hamda amaldagi qonun hujjatlariga muvofiq xorijiy hamkorlarni olib kelish bo'yicha tashkiliy masalalarni hal etsin.

6. Nizomiy nomidagi Toshkent davlat pedagogika universiteti (A.Kirgizbayev) O'quvchilarni kasb-hunarga yo'naltirish va psixologik-pedagogik respublika tashxis markazi (L.Gaynutdinova):

2023-yil avgustga qadar eshitishda nuqsoni bo'lgan bolalar korreksion pedagogika yo'nalishida o'quv va amaliy dasturlar ishlab chiqsin hamda ilmiy-metodik kengash tasdig'idan o'tkazsin;

2023-yil 15-oktabrga qadar o'quv va amaliy dasturlarni amaliyotda tajriba sinovidan o'tkazsin;

2023-yilning avgust-oktabr oylarida eshitishda nuqsoni bo'lgan bolalar korreksion pedagogika yo'nalishida o'quv-seminarlar va treninglar o'tkazish hamda respublika ilmiy-amaliy konferensiyasini tashkil etsin.

7. Ta'lim sifatini baholash, litsenziyalash va akkreditatsiyalash departamenti (S.Radjabov) xorijiy hamkorlar tomonidan mahalliy pedagoglarning malakasi oshirish dasturini o'zlashtirish darajasini baholash ishlarini tashkillashtirsin.

8. Devonxona (Isxakova) ushbu buyruqni bir kunlik muddatda vazirlikning barcha tarkibiy bo'linmalari, tasarrufdagi tashkilotlar va muassasalar hamda hududiy boshqarma va bo'limlarga yetkazilishini ta'minlasin.

9. Mazkur buyruqning bajarilishini nazorat qilishni o'z zimnamda qoldiraman.

Vazir



X. Umarova

Toshkent sh.,
2023-yil "25"- aprel ,
108 - son

**“Men eshitishni xohlayman!” qo'shma loyihasi doirasida
2023-yilda belgilangan vazifalar ijrosi bo'yicha “Yo'l xaritasi”ni
amalga oshirish bo'yicha ishchi guruhi**

TARKIBI

1. KENJAYEV
Dilshod Mutalibovich - Vazir o'rinbosari, ishchi guruh raisi
2. KOMILOV
Temur Qalandarovich - Vazir o'rinbosari, ishchi guruh hamraisi
3. RADJABOV
Sardor Baxtiyorovich - Ta'lim sifatini baholash, litsenziyalash
va akkreditatsiyalash departamenti direktori,
a'zo
4. SIRADJEV
Ilxom Tohirovich - Moliya-iqtisod departamenti direktori, a'zo
5. ASROROV
Xurshid Qobilovich - Yuridik bo'lim boshlig'i, a'zo
6. XOLIQOV
Suhrob Tursunaliyevich Bolalarni ijtimoiy himoya qilish
va inklyuziv ta'limni rivojlantirish bo'limi
boshlig'i, a'zo
7. Lavozimga ko'ra - Davlat xaridlarini tashkil etish bo'limi
boshlig'i, a'zo
8. TO'RAYEV
Ro'zibek Ochilovich - Bolalarni ijtimoiy himoya qilish
va inklyuziv ta'limni rivojlantirish bo'limi
boshlig'i o'rinbosari, a'zo
9. GAYNUTDINOVA
Liliya Rifkatovna - O'quvchilarni kasb-hunarga yo'naltirish
va psixologik-pedagogik respublika tashxis
markazi direktori, a'zo
10. KIRGIZBAYEV
Abdug'affor Karimjonovich - Nizomiy nomidagi Toshkent davlat
pedagogika universiteti rektori, a'zo
11. TOSHMIRZAYEVA
Gulfira Erkin qizi - Bolalarni ijtimoiy himoya qilish
va inklyuziv ta'limni rivojlantirish bo'limi
yetakchi mutaxassisi, ishchi guruh mas'ul
kotibi

Izoh: Komissiya a'zolari boshqa ishga o'tgan taqdirda, uning tarkibiga ushbu lavozimga yangidan tayinlangan yoki zimmasiga tegishli funksiyalarni bajarish yuklangan shaxslar kiritiladi.